



UKA 2017/099-01

05-10-2017

**Qarasaasiakkut akiliisitsisarnerup aqunneqarnera pillugu Inatsisartut inatsisaat nr. xx, xx.**  
**xxx 2017-imeersoq**

(Ilanniartitaanermut, Kultureqarnermut Ilisimatusarnermut Ilageeqarnermullu Naalakkersuisoq)

Qarasaasiakkut akiliisitsisarnerup aqunneqarnera pillugu Inatsisartut inatsisaattut siunnersuut Partii Naleraq sinnerlugu imannak oqaaseqarfigissuarput:

Pisortani akiliisitsiniartarnerup aqunneqarnerata nutarteriffiginissaanut pisariillisarneqarnissaanullu inatsisissatut siunnersuut tunngaviatigut tapsererparput, kisianni maluginiarparput siunertaq ullormiit ullormut aamma sumiiffippassuarniit sumiiffippassuarnut imaaliallaannarlugu piviusunngortinneqarsinnaassanngatinneqanngitsoq nassuaatini takusinnaangatsigu.

Naak akiliutigineqartartunut tunngatillugu suleriaatsit maannakkut atuuttut teknikkikkut atortorissaarutit atorlugit pisariinnerulersitsinissat sipaarsinnaanerillu anguneqarsinnaanissaat siunertarineqarluartoq, taamaattoq suliffeqarfiit ilaanni teknologiikkut periarfissat atorluarneqannginnerinut ileqqutoqqat ileqquliassallu suli atuukkallarnissaat avaqqunneqarsinnaassassorineqanngillat.

Aamma oqartussaasut ilaanni amigartumik ilisimasaqarnerit kiisalu aqutsisoqarfíup angissusaa aamma annertuumik ingerlatsinikkut pitsaaqtissaagaluit teknologiikkut periarfissanik atorluaanissamut akornutinngorsinnaasut nassiuuatnik naliginnaasuni ilaatigut aamma oqaatigineqarput.

Kiisalu akiliisitsisarneq sunniuteqarluartumik aqunneqarsinnaassappat akiliisussap tigusisussallu pissusilorsorneri ataqtigisiissarnissaat pisariaqarluinnassasoq aamma oqaatigineqarpoq. Tamannalu aamma pisortaqarfinnut sullissinermi immikkut nukinnik atuiffingeqassangatinneqarpoq.

Taamaammat ikaarsaariarnermi piffissamik annertuumik atuisoqarnissaa kaammattuutingaarpot, pingaartumik aamma utoqqaat allallu suli teknologiimik atuinngitsut eqqarsaatigalugit.

Minnerunngitsumik aamma maluginiarparput; Pisortanut aningaasaqarnikkut allaffissornikkullu kingunerisassai assut nalorninartoqartinneqartut.

Taama oqaaseqarluta siunnersuutip aappassaanneerneqannginnerani ataatsimiititaliami susassaqartumi sukumiisumik suliarineqarnissaa inassuttingaarput.

Anthon Frederiksen